

Мал үвлзүллгънд сән белдвр кедж

Яшалтинск района Буденнә нертә колхозин ах хӧбчир Лотох Андрей болн Милаев Степан хойрин хӧбднь үвләр хургълхми. Тегәд эн хӧбчир эртәс белдвр кедж бӕәнә.

Хаша-хаацан дулалад, цевр-дәд дезинфекц кегъад белдчкв. Хӧбдтән үвлин туршарт элвгәр кӱрм ӧвсинь, шимтә болн концентрированы хот-хоолинь зӧбгъад авчкв.

Хӧбчир үвләр хӧ хургълулгънд эн джил шин эклдж белдврин кӧдлмш кеджӕцхәнә. Эн тӧр ик олзта, кергтәгъинь эдн сӕәнәр меддж авб.

Нӕәдир хӧбдт кӧг тӕвхд дамшлтта улсин болн малин эмчирин гардвр вч, хӧбнд искусствени кӧг тӕвӕд, үвләр хургълх хӧбдт цевр-цер ха-

ша-хаац, хӧл хургълх цагт кергтә хамг зер-зев белдчкв. Ах хӧбч ӱр Московцев, МТФ-н гардачир Красов Сергей, Скорик Василий болн нань чигн малчир эврӕннь чидлӕн нӧл уга кӧдлдж, мал үвлзүллгънд сән белдвр кеснд, үвлин киитн, шуургън ӕәмшг уга. Ӱвлин туршарт элвгәр кӱрмӕр малин теджӕлиг зӧбгъад хурачкн бӕәнә.

Тавдгч комплексн бригад, энӱнә гардачнь ӱр Свечка Егор, йилгъән сӕәнәр белдврин кӧдлмш кӱцӕдж.

Орн-нутгтан икӕр мах, тос, ӱс болн ноос гаргългъна тӧлӕ цааранднь социалистическ дӧрлдӕг делгрӱлдж йовцхана.

БАКАН А.